

封邱縣續志卷二十八

叢載

附志三

古蹟

叢載一

城池 期城太平寰宇紀謂在縣西南七里城家記云期城者夏禹治水時所築今人呼爲簸箕城讀史方輿紀要云期城在黃池旁以諸侯相期於此故名又元豐九域志亦謂封邱有期城

雲響城 太平寰宇紀謂在封丘南十一里史記吳晉率諸侯會於黃池莫不雲集響應共築此城因以爲名讀史方輿紀要云封丘南七里黃池之上左右第黃池有仆碑爲證可攷而知而此三處則無確據無從指其故址所

封邱縣續志

卷二十八

叢載 古蹟

一

開封新豫印刷所承印

在爲可惜也

平丘城 卽縣東四十里開封屬之平街春秋昭公十三年晉會諸侯于平丘寰宇紀風俗傳云平丘衛靈公邑歷代沿革表晉省平邱入封丘

黃池 在封丘縣南十八里桑園村迤東里許春秋哀公十三年公會晉侯吳子于黃池吳晉爭長杜預註云陳留封丘縣南有黃亭近濟水讀史方輿紀要薛瓚曰國語吳掘深溝于商魯之間以會晉侯午于黃池正謂此地史記韓昭侯二年宋取我黃池又魏世家惠王十六年侵宋黃池宋復取之清順治九年河決封丘大王廟並其上之黃亭悉爲深潭近年漸涸有清康熙間知縣岳峯秀所立之古黃池碑現存殘碣卽前志中所載黃池芳草之處封丘八景之一也

守節縣 太平寰宇紀廢守節縣在封丘縣西北三里唐武德三年李績於酸棗縣置梁州乃分胙城酸棗二縣地置守節縣屬之時東州未平人思效節縣新創立故以守節爲名四年廢又稱曰廢守節縣今遺趾無存

封丘故城 今封丘縣治元史地理志封丘縣城金大定中河水湮沒遷治

新城即今縣北小城市元初新城又爲河水所壞乃因故城遺址稍加完葺而遷治

焉

亭臺 封父舊亭在縣治西北隅邑人稱爲八景之一也遺跡久沒於水乾隆三十七年知縣侯于鄧移至關帝廟之西偏祠三楹而無亭今爲商務會會議廳木主猶存

桐牢亭 太平寰宇紀桐牢亭在縣北二里春秋魯哀公會晉侯同盟於蟲

封邱縣續志

卷二十八

叢載 古蹟

一一

開封新豫印刷所承印

牢杜預云蟲牢鄭地陳留封丘縣北有桐牢亭襄公十八年楚侵鄭東北至蟲牢而返續漢記封丘縣有桐牢亭章昭曰古蟲牢地也今俗謂之桐渦讀史方輿紀要春秋定公八年晉士鞅會桓公侵鄭圍蟲牢按今縣北十八里小城之北二里桑村有古蟲牢地碑村北里許有坑曰牢坑卽其遺址或所指之縣卽小城之新城與

青陵臺 在縣東北二十五里之青堆形管新編宋康王欲奪其舍人韓憑妻築台望之憑妻息氏恐乃作謠以拒之自縊死今台雖沒而息氏塚則猶存云

黃亭 讀史方輿紀要封丘縣有黃亭及濟水在縣南七里黃池上太平寰宇紀陳留封丘縣南有黃亭近濟水近因屢經河患古跡無存

養鶴臺 在縣東北四十五里之鶴城村今遺址尚存左傳云狄人伐衛衛懿公好鶴鶴有乘軒者國人曰鶴實有祿位予焉能戰此卽養鶴城也又城塚紀謂夏劉累養鶴於此遂號鶴城昔屬長垣後以該村歸封

封丘臺 寰宇紀封丘臺在縣東五里魏書地形志封邱縣有封丘臺世本東郡燕國伯儵子卒葬此遂於城內作地道向子墓亦名慕子臺今縣東四里之外沙河彌漫遺址無存

塚墓 貞烈墓在縣東北三十里青堆事詳青陵臺條清康熙十九年知縣王賜魁重修更建祠其側二十六年知縣耿宏祚重修並在墓前立碑現此碑已殘字跡亦不可辨

朱亥墓 寰宇紀朱亥墓在縣西二十里按史記秦攻趙趙求于魏魏安釐

封邱縣續志

卷二十八

叢載 古蹟

三

開封新豫印刷所承印

王遣將軍晉鄙將兵救趙懼秦不敢進魏公子無忌使朱亥齎鐵錐殺晉鄙而統其軍以救趙後卒葬此今失其處

百里使君墓 在縣東北五里廟崗後漢書百里嵩字景山陳留封丘人爲

徐州刺史歲時旱乃傳車巡部所到屬縣膏雨隨車後封人封墓以祀元大

德九年以祈雨有應立碑誌之碑尙存文見藝文康熙十九年知縣王賜魁重封置

垣嘉慶三年首事李子實賈峻等重建碑尙存光緒間續修祠在墓東

程徵君墓 寰宇紀程徵墓君在封丘縣南四里魏書程仲字孔禮陳留封

丘人有志行明帝青龍三年徵不就景初二年正始五年徵又不就晉武帝

太始二年卒葬此封元鄉亭侯

鎮店 潘店鎮在封丘縣東二十里清一統志里數于今合九域志亦謂封丘縣有潘店

鎮後改名潘店集今更爲鎮

留光店 以光武駐蹕得名舊名留光店今改爲鎮在縣東三十里漢光武曾駐蹕於此俗傳駐蹕之夕蛙鳴聒耳帝厭之曰何不啞氣自是蛙在他處能鳴至此則否今日猶爾亦屬異事

井塘 翟母井在縣治西相傳北爲翟母故宅明嘉靖二十年知縣朱縉禱雨靈應率邑人徐圖等建祠以祀後淤塞清康熙二十六年知縣耿宏祚命匠復鑿之近南北夾以鹼坑而井中水面每高於坑且水味甲於全城甘美異常誠不愧爲靈物云

金石 重建水陸寺碑民國二十一年春邑人在普照寺遺址間土中得之長二尺六寸寬一尺四寸厚五寸餘正面係深刻佛像中琢像龕爲圓尖形搏

風佛蓮座于中頂之肉髻手之定印足之坐法不大顯明圓光處石色如礪兩旁夾侍四人均于立之花莖插入尊座下刻蓮莖佛座一尊侍坐兩旁上四人皆手把芙蓉中二人下二人其蓮座之花莖亦均插入尊座眉刻六彌陀額刻九彌陀皆排坐各像雖面目衣褶殘缺甚多但其姿勢妥帖佈置整齊頗似魏齊碑像或係儀鳳長安遺格碑陰有重建水陸寺五字字徑三寸五分真書記年則云大唐乾元二年三月日立石下刻僧普旺三字字皆真書徑一寸一分淡逸古樸碑現存舊城隍廟保立學校中

海棠賦碑 宋蘇軾撰書高八尺闊三尺厚八寸字真行書徑三寸二寸或寸許不等尾有明鈞陽馬文升東里高拱蘭陽艾維新題跋俱草書字徑七八分額篆大宋墨寶四字碑側鐫趙孟頫所畫竹蘭葡萄並有宣宗跋語碑

陰原刻艾維新撰文及天啟五年黃陵集所產靈芝圖清雍正六年村人修廟將維新之文磨去改作工程記事碑僅存下款與靈芝圖碑現在縣東大

山呼茲附賦文及跋語於下以供參考焉

江城地瘴蕃草木只有名花苦幽獨嫣然一笑竹籬間桃李漫山總

龕俗也知造物有深意故遣佳人在空谷自然富貴出天姿不待金盤荐華屋朱唇得酒暈生臉翠袖卷紗紅映肉林深霧暗曉光遲日暖風輕春睡足

雨中有淚亦悽慘月下無人更清淑先生食飽無一事散步逍遙自捫腹不問人家與僧舍杖屨敲門看脩竹忽逢絕艷照衰朽歎惜無言措病目兩邦

何處得此花無一乃好事移西蜀寸根千里不易到嚙子飛來定鴻鵠天涯流落俱可念為飲一樽歌此曲明朝酒醒還獨來落雪紛紛那忍觸元豐二年

軾在黃州寓定惠院之東雜花滿山予往不知貴此海棠卷予賦之眉山居士東坡識○鈞陽馬文升書正德丙子往役安南獲此卷於市何異拱壁

馬○隆慶辛未東里高拱題人品既高下筆自特荆山之璧千金不易者也至寶至寶○爾陽艾維新跋坡公好用宣城筆作字大小真行公有獨

得處蓋其才高學口而風神妍媚百出正所謂師顏魯公而不泥口魯公此聲

價所以益重也百世之下展閱想見其人豈尋常易彷彿哉勒之以俟鑒賞家

封邱縣續志

卷二十八

叢載

古蹟

五

開封新豫印刷所承印

塔兒經碑 在大山呼村高八尺寬三尺厚八寸上刻經文款識如螺旋形

下闕上銳如塔兒狀故名為宋蘇小妹所書字徑三分端楷顏體碑陰上半

係蘇軾和歐陽永叔西江月字徑二三寸不等行草相間側有吳興趙孟頫

及桐柏山人宋廣與中州艾維新跋下半係太常鮮于伯機書七言絕句一

首字大小不一約徑四五寸並有延陵吳寬蘭陽艾維新題跋字徑寸許俱

草書茲於經文從略爰將西江月七言詩及諸跋附下

三過平山堂下半年生彈指聲中十年不見

老仙翁壁上海龍蛇飛動欲吊文章太守仍歌楊柳春風休言萬事轉頭空未轉頭時是夢和歐陽永叔西江月蘇軾○吳興趙孟頫跋此宋學士蘇公之

筆瀟灑縱橫外柔內剛真所謂口裏鐵也○桐柏山人宋廣跋此帖有趙松雪跋語為東坡翁真筆無疑既識而藏之可不寶諸○中州艾維新跋蘇長

公書法少喜右軍中歲效顏平原晚愛李北海楊少師此帖則其守維揚日登口口歐陽公所建半山堂因知前詞醉酣而書者也行草相間筆悉美而

昌有得心應手之妙惟公絕頂新秋生夜涼鶴飛松露滴衣裳前村月照半為墨翰人自不可及爾○絕頂新秋生夜涼鶴飛松露滴衣裳前村月照半

江水僧在翠微開竹房鮮于伯機○延陵吳寬跋此書則有一種奇逸更以  
之筆也可寶可寶○蘭陽艾維新跋太常鮮于公在勝國時雅負重望更以  
善書名而墨跡流傳者最少此帖運筆染翰如龍躍鳳翔莫可模擬又  
經原博吳家宰巨眼鑒賞自是神品予愛而勒之貞珉欲其垂不朽也

至聖先師孔子贊碑 現存孔廟大殿前已仆中折高八尺闊三尺二寸厚

八寸清康熙二十五年戶部尚書張玉書奉勅正書字徑寸許序文贊辭附

下 蓋自三才建而天地不居其功一垂憲此正學所以常明人心所以不泯也

孔子不得位窮而在下乘舜禹湯文武達而在上兼君師之道者勳業炳于一朝

明道者教思周於百世堯舜文武之後三王之孔子則學術紛淆仁義湮塞斯

道之失傳也久矣後之人而欲探二帝三王之心法以為治國平天下之準

其深敬所衷焉然則孔子之為萬古一人也審矣朕巡省東國謁祀闕里景企

五百餘歲莫由維皇建極維后綏猷作君成序詩刪書定禮正樂既窮象繫亦

封邱縣續志

卷二十八

叢載 古蹟

六

開封新豫印刷所承印

正乘禮器好根本天性庶幾夙夜話哉令圖遡源洙泗景躅唐虞載歷庭除

師夫子惟師於道統天御世惟道惟寶泰山巖巖東海泱泱宮

孔廟四配贊碑 已仆現存孔廟大殿前清康熙二十八年立上鑄四配贊

亦為張玉書奉勅正書字徑寸許碑高七尺闊二尺厚八寸茲附四贊辭於

下 復聖顏子贊聖道一早聞天資獨粹約禮博文不遷不貳一善服膺萬德來

會子贊洙泗之傳魯以得之一貫曰唯聖學在茲明明訓辭○述聖子思子贊

於穆天命道之大原靜養動察庸德庸言以育萬物以贊乾坤九經三重

楊墨昌熾子輿關之曰仁曰義性善獨關知言養氣道稱

古黃池碑 清康熙十三年知縣岳峯秀立已殘缺現存舊主簿署遺址

古盡牢地碑 清康熙十三年知縣岳峯秀立在縣北桑村現存

漢高帝遇翟母進飯處碑 在城外西北隅堤埠口內清康熙十三年知縣岳峯秀立以年久碑折僅存其半民國二十六年三月縣長姚家望教育局長徐洛因舊式仍於該地重建新碑碑高八尺闊三尺厚七寸許

先農壇碑 清雍正五年知縣朱于宣立擘窠正書現存壇前

貞烈墓碑 正書現存青堆該氏墓前

漢光武駐蹕處碑 正書現存縣東留光鎮

重修儒學工程碑 清雍正十一年知縣朴懷寶立現存孔廟記詳文徵

重修儒學碑 清乾隆年間知縣曾興柱立現存孔廟記詳文徵

重修封父亭碑 清乾隆三十七年知縣侯于鄧立記詳文徵

河南衡家樓新建河神廟碑二 清嘉慶九年奉勅立一漢文一滿文均高

封邱縣續志

卷二十八

叢載

古蹟

七

開封新豫印刷所承印

一丈二尺闊三尺四寸厚九寸現存記詳文徵

歲修護城堤壕碑 清嘉慶十年知縣蔣萬寧立記詳文徵

禁繞封城更換車馬碑 清同治元年閭邑紳民立記詳掌故

重修城垣碑 清同治元年知縣駱文光立記詳文徵

禁差繞道碑 清同治二年知縣駱文光立記詳文徵

以上均見採訪冊

拾遺

叢載二

許義夫陽山人元時爲封邱尹至正四年歲大飢盜賊羣起抄掠義夫聞至近境乃單騎出郊迎之見賊數百人義夫言縣小地瘠民聞汝至皆已驚惶逃竄幸無入我境也言詞愿款賊遂他往封邱之民得免於難

見大清一統志

明太祖封嫡五子周定王橚於開封橚庶十一子有煜宣德二年封於封邱成

化三年薨諡康懿王庶一子璽成化五年以鎮國將軍襲封弘治十五年薨  
溫和王庶一子同銘正德七年以鎮國將軍襲封嘉靖二年薨諡僖順王嫡  
一子安湜嘉靖六年襲三十一年薨諡端惠王庶一子睦詠嘉靖三十四年  
以鎮國將軍襲隆慶二年薨肅安王庶一子勤彞萬曆七年薨諡莊靖王無  
子除以歷時久遠府址莫詳

見明史

王先白台村木工有巧思以意創爲木人代妻推磨日推三斗糧惟一小兒羅  
麵足矣事聞遠近觀者繹至塞巷填門無虛日鄰里懼郵傳官知罪以白蓮  
教左道惑衆貽累居人集勸毀之事乃寢此光緒辛丑春間事其製法略具  
人形肩聳項直肚抗磨竿由腰左橫穿於右兩手按之甚力腿微前伸足踏  
一輪頂斲一樨磨時以杵頭覆之爲帽頂重輪行而磨自轉歷道必得堅滑

封邱縣續志

卷二十八

叢載

拾遺

八

開封新豫印刷所承印

輪方利於行走

封錫信字仲侯縣西關人幼年曾師事李文清公好讀書旁及星相卜醫之術  
尤精於周易占事靈驗如神不能殫舉鄰人逸一驢使人四踪途跡之無影  
響來求占云在西南急覓可得並言月日及往覓果得自武陟縣所定月日  
與耗費糾纏亦皆不爽且自知其亡期一日在義合公錢店坐談急起言去  
兼別衆人云於後二日某時當與諸君永訣急去理吾後事人皆笑其迂錫  
信曰勿笑爲時至自知耳及期喪旛果掛且日辰不爽非神乎其術哉

均見採訪

志異

叢載三

乖崖公張詠每遊京師寄封邱之逆旅有一道人與之鄰房日會飲酒家固問  
姓名曰我神和子也異日見子城都矣後張公爲城都守物色訪之終無所



見代者將至至天慶觀一小堂院中四壁皆古人畫像掃壁視之中有一道人髣髴逆旅所見題曰神和子公張然自失所見正此也按神和子姓屈突名無爲字無不爲五代時人所著書亦以神和子爲名

見龍川別志

張生太寶於順治二年渡河至荆龍口龍王廟下見堤夫買得大鱸魚長六尺許剖其腹得紅錦袋一枚中藏珍珠一珠金約指玉條脫一牛黃丸子一紅甲三片香藥一裹函書一紙半已泯爛詞甚悽惋似係婦人投河死而入魚

腹也張賦漁婦怨記之

見池北偶談

文登于次鶴字壽之官河南通守口述封邱古廟中畫壁上人馬忽然奔馳見者大駭遠近來觀縣長惡其惑衆封鎖古廟以寢其事

見王詔拍案警異志

李氏邑人王蕙妻也慧而賢美丰姿爲夫兄王智所羨屢挑而屢拒之一日智

封邱縣續志

卷二十八

叢載

志異

九

開封新豫印刷所承印

啣家無人氏在廚房炊潛以繩環氏項嚇之曰我愛爾從則任所取不爾瑕疵也不從必死氏怒甚厲聲喊罵智懼以刀斷氏喉與繼母謀賄趙傭移屍臥室旁擲刀若自刎狀遂藏其繩並掩血跡及蕙歸見屍驚呼家人母及智佯驚悲涕旣謂醜聲不可外揚不若以藥蔽刀痕急葬之不遺笑柄蕙許諾外人不知也泊安葬靈輻至郊忽暴重柩止不能行時蔣萬甯宰是邑聞立往訊智及鄰無佐據其父復出爲之袒護愿具甘結以葬媳蔣不許命暫浮厝於止所卽暗改服裝值幾徧苦不得後遇趙傭偶洩機搜得血繩卽命開棺檢驗見氏面若生而刀痕墳起詰王智仍抵以狡猾蔣知其情僞將加刑忽其母癩奔至悉道隱情智見無可諱方伏地自承蔣詳其事奉旨旌氏貞烈又捐廉購地移氏柩遷葬於南門外封墓立石王智以罪抵

本採訪冊及該氏墓碑纂

李廷縣西北三里莊李希賢子初希賢妻楊氏老無所出納妾某氏生子女各一女長字四姐子卽廷也廷年十一其父爲之納粟入監親迎某村郭氏女成室適希賢亡妾亦逝世孤兒寡母門戶難支廷欲托其堂兄武生申代爲料理四姐不可且進言曰李申兄蠶目而豺聲忍人也後悔莫追廷不聽竟委之後申漸私通郭氏兼欲圖其財產二人情好甚篤視李廷若眼中釘必欲除之遂與郭謀用耙齒二釘李廷頭頂卽死斯時鄰里雖盡知之然皆以畏李申故誰敢多事以干罪戾而四姐則形若無事惟有淚濕枕席而已後四姐歸黃德集王氏子翁係貢生知媳弟冤遂教以訴訟手續對質儀式辯冤卻獄時嘗商略旣熟習矣乃出名具狀控李申及郭氏時知縣蔣萬甯蒞封接詞呈先喚四姐預審令其歸候傳訊已卽私往該村偵探往返數次

迄無端緒一日於其村旁遇兩農夫在地以槩耙

槩耙俗名之田器晚秋豆既登場所遺豆葉滿地皆

是秋後農暇以此物斂之

以爲來年糞田肥料之資斂收豆葉馬逸槩耙翻其一日掌櫃之事得無翻

老蔣手中耶其一搖頭送目令無多語適爲蔣所窺見知係李申佃戶乃進而與之語誘令盡吐其實且給以己本江南名士吉凶禍福均可前知福可以祈禍亦可以禳避苟見其人略施法術必能化凶爲吉兩農夫遂邀至李申家爲之推算休咎卜云近運不佳不如暫避問何所則云大利東南城中更便予亦寄居城內可乘間爲汝禳之約旣定卽繞道歸署飭差執李申傳郭氏及原告當堂對質四姐哭訴冤情言及痛處幾至口不能語申郭亦竭力辯護且以空言無據爲辭無何開棺檢驗尸變已久面目全非作細加檢察並無致命傷處李申郭氏反以誣告返坐要蔣蔣視四姐忿極氣結遂

不許李申具呈上控蔣以要案失察降級在任然其心猶不能釋於是重行私訪冀得密秘至村首見二人沿街爭嘲鄰里聚衆解勸蔣問之云係甲兒持耙齒換糖飴食乙兒見之垂涎不已其父還家尋己所藏已失之矣出而審視則甲所持卽己物也爭嘲之由在此蔣問甲兒之父此物何自來彼則囁嚅以應及問乙兒之父則云某月某日在某處耙地拾此物帶至家中置於某處不知何時爲彼竊去今其子不知而妄出之旣爲吾見猶與吾子相爭耶蔣聞言卽大悟乃出錢若干多買糖飴以償乙兒並慰以此曲曲者何必相爭至傷鄰里和氣兩造均感謝不已蔣乃速歸重審原案嚴懲仵作仵作方供承檢驗以前曾受李申多金許爲左袒開棺之時穢聞遐邇人不敢近乃得袖藏耙齒以無傷報急假便溺掩埋土中方喜計劃之周不知彼

蒼竟不許也李申郭氏見已無可推諉乃承案正三人法四姐之冤始釋  
西林莊王瞻益圃於該寨東門外民國三年季秋之月因掘山藥突現古井遺跡圃以水爲命得之甚喜卽備浚井具洶之及至底泉大於盆濁水湧溢入夜聞牛鳴聲從井中出晝亦如之一日鳴甚急羣往圍觀見一物游泳其中形如南瓜而黑其脊好事者投以磚則井水如沸翻揚不已後水涸全井半爲土實數日入出其土窺之見東北開一洞大約六七尺但無敢冒險以探其異者

縣東高產角村有鐘一口上鐫字云明東平州東南城角官物相傳爲蔡總兵聚將鐘該村砦外東南百餘步有土隆起高於地者尺許相傳爲蔡總兵墓第不知蔡總兵何名墓何以在此鐘何以至此俱無考證惟此鐘聲音洪亮

每擊何面不出三日則此方之人必有忿鬥者屢驗不爽亦一奇也姑誌之以俟考鐘者現挂十字街背坐堂左簷下

田禾章縣東黑塔田人於民國二十二年小滿晚赴隣村巨壘觀劇出村里許甚覺無伴沉寂倏見前有二三人談笑偕行意謂亦是觀劇者卽且追且喊以冀偕往詎相隔數武終不能及惟聞前以快來快來見招禾章程更速追幾至猝覺心神搖搖若麥拂衣急止步則身立曹墳柏樹枝顛仍見前二三人旁言笑並聞劇場鑼鼓聲知爲異物擲揄大聲疾呼適本村多人經其側救還於家昏迷數日始復原狀

縣小東關瘟神廟殿中神座前有泥繪五毒相繞其一爲蜈蚣初修時圻者將此物製成用薯莖繫之標及後其物頭部向日而轉朝東午南暮西夜北未

嘗稍遲某年重修首事恐枯莖不堅捐此靈物移以頭繩則其旋遂稍遲不能如前之照日但日夜猶必一週也自神像撤則靈物亦失

榆林村西北隅有土山焉傳係該村郭善人所成形如臥牛佳木葱蘢雖非高山峻嶺而純土無石形色奇古千百載雨淋風捲能保永久不變者異事也去此東北三里有青陵臺爲戰國烈婦息氏遺跡祠西舊永寧寺址高於四旁數仞村猶名爲青堆必係舊臺遺址可知噫土木無知一與善人有緣卽流傳千古爲善者可以興矣

邢莊邢某善烹飪供北京某官家刀匕主人宴客客恆譽邢謂其術賽易牙以之名噪京師一日辰出市菜遇一僕牽馬相迎曰待久矣主人某羨君藝邀枉顧焉卻之不可推馬上馳若飛須臾至則樓閣玲瓏宦家第也廚中山珍

海味雞鴨魚肉分列如林用具亦甚精緻供滌器及割洗者不一其人令邢作指揮主燔炙和調成則竈役絡繹送去日三餐餐數席如是月餘邢欲出則門扃不能啟一日天嚴熱出廚乘涼則見風啟膳堂之簾食客臂各有尾潏潏如也邢大駭託病堅辭前要者曰無妨請於別墅稍養待病愈送君還矣導憇於後園之亭中及醒則身在泰山月觀峯下攀援而下沿路乞討始得返封道經友家友駭云爾我同事更屬莫逆故殮爾扶柩歸葬陰陽殊途欲見害乎邢乃悉道其詳友人乃爲之具衣食送旋里則三日圓墓未返也迄今邢猶在南京業舊事

苗寨西北隅有宋河橋一座河涸橋圯時有雌雞羣雛在橋址左右往來覓食逐之卽寂滅無踪相傳是一元寶與十數小顆所化無福者不能得也嘉慶

年間鄰村有蒿命者欲盡獲之作富家翁持石坐橋邊目不轉睛日夜環視俄而羣雞從瓦礫叢棘中出命用石擊之斃一雛拾以手被雌雞啄傷視之所獲果係白金遂貨錢度活喜形於色不意次日傷發臂腫如椽疼痛難忍急延醫調治百藥不效繼而求神許愿及傷痊而錢已告罄矣

縣東黃陵集有劉某長武術慣用大刀護餉保標所向有功人皆以劉大刀呼之故軼其名及歿後人以刀配葬次年其墳忽生一樹狀如大刀童子砍之玩耍至次年樹復生仍如刀狀後百餘年樹屢砍皆然故世人稱爲大刀樹縣東大山呼村脩關帝廟首事劉滋等買進士艾維新所遺牴詭兩支各重千觔置廟門傍以壯觀瞻後牴詭夜遊田間村農疑係牲畜踐食禾苗持刀逐之其一遠颺無踪一腿部受傷潛跣土中只露頭部該農以耕田有礙欲掘

出移歸舊址掘至腿部見刀痕尚在而身終扛不出遂止至今河水淤泥雖多抵詭頭部宛然昂出云

縣東蒿砦朱天保負笈就塾師上學謁聖後賓東宴飲學生各散遊院中朱無事在花池邊用鐵鏟劃地連劃數次覺土中有磚石聲掘之見方磚蓋一磁罐啟視之白蠟滿中及取出一錠學生趨至欲爭取審視罐內化為黑水即將所得金同學各製大衫一領其塾師題詩云朱生掘得金微微同學登時換錦衣他日羽毛豐滿後一行齊向白雲飛後同學郭廷翊登第餘以諸生

終上俱見探訪冊

災祥

叢載四

康熙六十一年日出無光

封邱縣續志

卷二十八

叢載 災祥

十四

開封新豫印刷所承印

雍正二年二月日月合璧五星如連珠合於嫩訾

四年黃河清一月

五年秋大有斗米百錢

乾隆二年九月地震房頽無算人多露宿

光緒二十三年五月十九日有大星自東南流於西北天鼓鳴

二十六年五月螢惑入南斗六月大旱八月蝗遍野樹牆皆滿禾盡蝕九月

十六日月有黑邊如梭形十月初一日日蝕既

二十九年十二月十四日午刻兩日並行

三十年五月初六日未刻大風拔木八月二十二日戌時有星如月隕於北

方

三十一年十月初四日申時日有黑子

三十二年六月十七日天鼓鳴如雷

三十三年二月二十日彗星見東方長三尺許七月十一日酉刻有大星南方來貫中天長三丈許望之如火龍然移時方滅是年自二月直至六月十九日始雨距立秋僅八日晚禾方種八月十三復落雨二指及後粟米玉子收成竟達五六斗許惟蕎麥稍減其數

另參本志通紀

三十四年三月二十三日雨雪二麥凍枯

民國四年蝗遍野禾盡被蝕

九年自夏徂秋大旱

十七年八月十二日霜禾盡奄

封邱縣續志

卷二十八

叢載

災祥

十五

開封新豫印刷所承印

二十二年八月河水溢及水退後縣東蒿砦等村樹生新葉榆結莢

上俱本採訪冊

宜並參本志通紀